



Broj: 01-10-18490-OI/15

Datum: 14.12.2015. godine.

Na osnovu člana 22. Statuta Zavoda zdravstvenog osiguranja Kantona Sarajevo („Službene novine Kantona Sarajevo“, broj 4/00, 18/02, 30/08 i 1/12), člana 64. stav 1) tačka b), člana 70. stavovi 1), 2), 3) i 6) i članova 88. i 89. Zakona o javnim nabavkama („Službeni glasnik BiH“, broj 39/14) i Zapisnika o pregledu i ocjeni ponuda broj 01-10-18490-ZPOP/15 od 07.12.2015. godine, V.D. direktor Zavoda je dana 14.12.2015. godine, donio sljedeću

ODLUKU

o izboru najpovoljnijeg ponuđača
za nabavku goriva

I

Za nabavku goriva za potrebe Zavoda zdravstvenog osiguranja Kantona Sarajevo na period od dvije godine, a prema specifikaciji iz konkurentskog zahtjeva za dostavu ponuda broj 01-10-18490-KZ/15 objavljenom na portalu javnih nabavki pod brojem 814-7-1-44-3-10/15 dana 13.11.2015. godine odabrana je ponuda ponuđača **HIFA – PETROL d.o.o. Sarajevo**, broj: JN-3353/15 od 30.11.2015. godine, u iznosu od **17.500,00 KM** bez PDV-a.

II

V.D. direktor Zavoda zdravstvenog osiguranja Kantona Sarajevo će sa izabranim ponuđačem iz tačke I ove Odluke po pravosnažnosti iste i po ispunjenju ostalih preduslova, zaključiti ugovor o isporuci goriva.

Prijedlog ugovora o nabavci dostaviti će se na potpis izabranom ponuđaču, po proteku roka od 10 (deset) dana, računajući od dana kada je ponuđač obaviješten o izboru najpovoljnije ponude.

III

Ova odluka će se objaviti na web-stranici Ugovornog organa www.kzzosa.ba istovremeno sa upućivanjem ponuđačima koji su učestvovali u postupku javne nabavke, u skladu sa članom 70. stav (6) ZJN.

IV

Ova odluka stupa na snagu danom donošenja i dostavlja se svim ponuđačima koji su učestvovali u postupku javne nabavke, u skladu sa članom 71. stav (2) ZJN.

V

U skladu sa članom 45. stav (2) ZJN, ponuđač Hifa-petrol d.o.o. Sarajevo, dužan je dostaviti dokumente (originale ili ovjerene kopije), ne starije od 3 mjeseca od dana dostavljanja ponude, u roku od 5 dana od zaprimanja ove Odluke kojima će potvrditi da se slučajevi navedeni u članu 45. stav (1) ZJN ne odnose na njega.

OBRAZLOŽENJE

Postupak javne nabavke putem Konkurentskog zahtjeva za isporuku goriva za potrebe Zavoda zdravstvenog osiguranja Kantona Sarajevo za period od dvije godine je pokrenut Odlukom o pokretanju postupka javne nabavke broj: 01-10-18490-KZ/15 od 02.11.2015. godine, sa procijenjenom vrijednosti nabavke bez PDV-a u iznosu od 20.000,00 KM.


Konkurentskim zahtjevom je propisano da je kriterij za određivanje najboljeg ponuđača najniža cijena ponude. Ocijenjeno je da ponuda ponuđača Hifa-petrol d.o.o. Sarajevo ispunjava formalno pravne i ekonomske uslove Konkurentskog zahtjeva, te je prihvatljiva za Ugovorni organ sa svojom ponuđenom cijenom od 17.500,00 KM bez PDV-a, odnosno od 19.469,97 KM sa PDV-om za dvije godine.

Na osnovu Zapisnika o pregledu i ocjeni ponuda za nabavku goriva broj: 01-10-18490-ZPOP/15 od 07.12.2015. godine, ponuda ponuđača Energopetrol d.d. Sarajevo je zadovoljila uslove tražene Konkurentskim zahtjevom i drugoplasirana je sa cijenom ponude.

Na osnovu navedenog, a primjenom člana 89. stav (3) ZJN odlučeno je kao u tački II dispozitiva ove odluke.

POUKA O PRAVNOM LIJEKU: Protiv ove odluke može se izjaviti žalba, najkasnije u roku od 5 (pet) dana od dana prijema ove odluke.

Pripremila:



Edina Šahović

Stručni saradnik za javne nabavke



V.D. DIREKTOR

Safeta Borovac, dipl.oec.

Prilog: Zapisnik o pregledu i ocjeni ponuda
broj: 01-10-18490-ZPOP/15 od 07.12.2015.godine.

Dostavljeno:

-Ponuđačima

-a/a

Objavljeno na:

-www.kzzosa.ba